



JAVNO PREDUZEĆE
ELEKTROPRIVREDA BOSNE I HERCEGOVINE d.d.
SARAJEVO
PODRUŽNICA TERMOELEKTRANA "KAKANJ"

PRIM. DNEV	06-07-2018
BR. PROTOKOL	11817/2018
ORGANIZACIONA JEDINICA	023-6

Javno preduzeće _____
ELEKTROPRIVREDA BOSNE I HERCEGOVINE
d.d. - Sarajevo

Sarajevo, 03-07-2018
Broj: 02- 18520/18

Na osnovu članova 64. stav (1) tačka b), 70., 71. i 88. Zakona o javnim nabavkama BiH ("Službeni glasnik BiH" broj 39/14), člana 95. Statuta JP Elektroprivreda BiH d.d. - Sarajevo broj: SD-5211/16-38/2. od 29.03.2016. godine, te člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćeni tekst broj: 6-6522/8 od 05.03.2018. godine, Izvršni direktor za proizvodnju, na preporuku Komisije za javne nabavke, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavu ponuda uz korištenje e-aukcije u predmetu Usluge na sistemu upravljanja PLC-a u Podružnici Termoelektrana "Kakanj" Kakanj

Član 1.

Po Konkurentskom zahtjevu za dostavu ponuda uz korištenje e-aukcije broj: 2000022044, broj obavještenja o nabavci sa portala javnih nabavki: 1424-7-2-214-3-284/18 od dana 01.06.2018. godine u predmetu Usluge na sistemu upravljanja PLC-a u Podružnici Termoelektrana "Kakanj" Kakanj, kao najpovoljniji ponuđač izabran je:

NAVITAS Engineering & Automation d.o.o. Sarajevo sa cijenom 19.950,00 KM (bez PDV-a)

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđaču i time ga obavijesti o rezultatima postupka javne nabavke.

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi dokumente iz člana 45. stav (2) tačke c) i d) ZJN BiH navedene u tački 2.3 Konkurentskog zahtjeva za dostavu ponuda broj: 2000022044, broj obavještenja o nabavci sa portala javnih nabavki: 1424-7-2-214-3-284/18.

O b r a z l o ž e n j e

Po Konkurentskom zahtjevu za dostavu ponuda broj: 2000022044, broj obavještenja o nabavci sa portala javnih nabavki: 1424-7-2-214-3-284/18 od dana 01.06.2018. godine, ponudu su dostavila dva ponuđača i to:

- NAVITAS Engineering & Automation d.o.o. Sarajevo
- GENERAL ENGINEERING d.o.o. Sarajevo

Komisija za javne nabavke ugovornog organa je nakon izvršenog otvaranja, pregleda i ocjene primljenih ponuda, izvršila rangiranje prihvatljive ponude prema kriteriju za izbor najniža cijena, i to:

1. NAVITAS Engineering & Automation d.o.o. Sarajevo

U Zapisniku o pregledu i ocjeni ponuda od dana 22.06.2018. godine, Komisija za javne nabavke je kvalifikacijom ponuđača i rezultatima kvalificiranosti utvrdila da ponuđač GENERAL ENGINEERING d.o.o. Sarajevo nije dostavio ovjerene kopije certifikata o obučenosti za rad na sistemima T2000 / T3000 i PCS SIMATIC S7 300/400 za servisera koji će biti angažirani za predmetne usluge a kako je traženo tačkom 2.2 c) tenderske dokumentacije.

Na osnovu rezultata utvrđene rang liste, Komisija za javne nabavke ugovornog organa ocijenila je da je najpovoljnija ponuda rangiranog ponuđača NAVITAS Engineering & Automation d.o.o. Sarajevo sa cijenom 19.950,00 KM (bez PDV-a), a koja je zadovoljila sve postavljene zahtjeve iz tenderske dokumentacije broj: 2000022044.

Napominjemo da, u skladu sa članom 3. Pravilnika o uslovima i načinu korištenja e-aukcije, obzirom da je primljena jedna prihvatljiva ponuda, e-aukcija nije zakazana, nego je postupak okončan u skladu sa članom 69. Zakona o javnim nabavkama.

Na osnovu navedenog, donesena je odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka.

Izvršni direktor za proizvodnju

dr.sci. Nevađ Ikanović



Dostaviti:

- Ponuđačima
- Služba za komercijalne poslove
- a/a